



Inatsisartunut ilaasortaq  
Mariane Paviasen  
Inuit Ataqtigiit

**Greenland Ruby pillugu § 37 naapertorluguapeqquteqaammut 168-2022-mut akissut.**

Ulloq: 23-09-2022  
Sags nr. 2022 - 16959  
Akt nr. 21291583

Inatsisartut suleriaasianni § 37, imm. 1 naapertorlugu Greenland Ruby pillugu apeqqutit matuma kinguliani allassimasut Naalakkersuisunut saqqummiuppatit.

Postboks 930  
3900 Nuuk  
Tlf. (+299) 34 68 00  
E-mail: asn@nanoq.gl  
www.govmin.gl

**Apeqput 1: Greenland Ruby-ip Kommuneqarfik Sermersuumut isumaqatigiissutaa naammassineqarnissaa siunertaralu Naalakkersuisut aatsitassarsiorfimmuut qanoq iliuseqarpat?**

**Apeqput 2: Suna patsisaava inuiaqatigiinni piujuartussamik iluaqutaasunik sunniutissanik nalilersuineq (IBA) malinnginnerup qulakkeersimaneqannginneranut?**

**Apeqqummut 1-imut aamma 2-mut akissut:**

Maannakkorpiaq isumaqatigiissut ataasiinnaavoq: Suleqatigiinnissamut isumaqatigiissut 16. juni 2014-imeersoq. Isumaqatigiissut Aatsitassanut Ikummatissanullu Aqutsisoqarfiup nittartagaani tamanit pissarsiarineqarsinnaavoq.

Suleqatigiinnissamut isumaqatigiissut malillugu taanna piiaanissamut akuersissutip piffissami atuuffiani atorunnaarsinneqarsinnaanngitsoq ersarilluinnarpoq. Taamaattoq isumaqatigiissut isumaqatiginninniutigeqqinneqarsinnaavoq. Suleqatigiinnissamut isumaqatigiissut 16. juni 2014-imeersoq suleqatigiit pingasut akornanni isumaqatigiissutigineqarpoq: Kommuneqarfik Sermersooq, pisinnaatitsissummik pigisaqartoq aamma Namminersorlutik Oqartussat. Taamaattumik nutaamik isumaqatigiissuteqarsinnaanissamut isumaqatigiissuteqartut pingasut taakkua akornanni suleqatigiinnissaq pisariaqarpoq. Namminersorlutik Oqartussat isumaqatigiissummi suleqataasut allat qulaatiinnarlugit aalajangiisnaannngilaq imaluunniit aalajangiinarani.

Tusagassiuutiniit paasivara isumaqatigiissummi suleqataasut marluk allat taakkua suliaq pillugu tusagassiortunut oqaaseqarsimasut. Isumaqatigiissummi suleqataasut allat marluk taakkua ataqqillugit, tamat aqqutigalugit isumaqatiginninniarniannngilanga. Taamaattoq suleqatigiinnissamut isumaqatigiissut ataatsimut isigalugu nammineq isummerneru pillugu ataatsimut

isigalugu oqaaseqarusuppunga. Siunissami suleqatigiinnissamut isumaqatigiissuterput atuutsitsinissamut killissaliussanik ersarinnerusunik imaqaallaqquara, ilanngullugu Naalakkersuisut sakkussaasivianni sakkussat pinngitsoorani atorpeqartussaannaat saniatigut sakkussat allat amerlanerusullu ilanngunneqarlutik: Piiaanissamut akuersissut uterteqquneqarsinnaalluni. Unioqqutitsinerit suulluunniit piiaanissamut akuersissutip uterteqquneqarneranut kinguneqartariaqanngikkaluarpur. Taamaattoq soorunami unioqqutitsinerit uteqqittuurtut akuersaarneqarsinnaanngillat.

Siunissami inuiaqatigiit aningaasaqarnerannut suliassaqarfik tamaat eqqarsaatigeqqissavarput, taamaalilluni tamanna innuttaasunut qaninnerulersinneqassalluni aammalu aatsitassarsiornermik inuussutissarsiuteqarnermut atugassarititaasut aalajaatsuussasut – kisianni suli aalajangersimasuussasut – piimasaqaatigineqarluni. Tamanna siunissami sulissutiginiarpara. Taamaattoq isumaqatigiissutigineqareersut eqquutsinneqassasut, tamatumani allanngortinneqanngilaq. Tamanna suleqatigiinnissamut isumaqatigiissummut 16. juni 2014-imeersumut aamma atuuppoq.

Qanittumi suleqatigisat akuutinneqartut, ilanngullugu Kommuneqarfik Sermersooq, oqaloqatigalugit pisut paasisaqarfiginiassavakka, tamatumalu kingorna Qeqertarsuatsiaani innuttaasut tikeraarlugit oqaloqatigalugit.

Inussiarnersumik inuulluaqqusillunga  
Med venlig hilsen

  
Aqqaluq B. Egede